

EDISANA IDO KE EYO EMI

**John 17:21-23; Nwedi Mbon Galatia 5:22, 23; Nwedi Mbon Ephesus 4:17-32; 5:25-27; Nwedi Mbon Colossae 3:1-15; Titus 2:11-14
OYOHQ UKPEP-NKPQ 263**

Eke Mkparawa

IKQ IBUOT: “Etiñ enyin esaña ke emem ye kpukpru owo; enyuñ esaña ke edisana ido; koro esiode oro efep, baba owo kiet idikwe Oboh” (Mme Hebrew 12:14).

Obufa Uwem

Ke ukpep-nkpq emi, nnyin ikpep ibaña uwem anditiene Christ. Ke ema ekeñaña owo, enye odu obufa uwem. Ema ekpuhore uwem esie ndien enye iduhe uwem aba nte enye ekesidude mbemiso edinyaña enye. Enye iduhe uwem nte mmq emi midiñoke Abasi. Enye inamke nte mme anam idiok enamde. Jehovah okodoho Nditq Israel ete ke mmq eyedi “akpan inyene. . . ekan kpukpru obio” enq Imq edieke mmq edikopde uyo Esie (Exodus 19:5). Jesus oyom ikq Esie edi “asak-ubok ikq Esie emi isinde esit inam nti utom” (Titus 2:14).

Owo Abasi iduhe aba ke idiok-nkpq, edi odu “ke Christ, . . . obufa owo: nkani nkpq ema ebe efep: sese, emekabare edi mbufa” (2 Nwedi Corinth 5:17). Ke ema ekenyaña owo, efen enyuñ esio mme idiok-nkpq efep ke uwem esie. Nte enye obonde akam onyuñ ayakde uwem esie, Abasi eyeyet enye asana. Nnyin ima ikpep ibaña edinam asana ke oyohq ukpep-nkpq 232 ye 238. Jesus ama obon akam onq mbet Esie, ete: “Da akpanikq Fo dianare mmq nim nq Idem Fo: ikq Fo edi akpanikq” (John 17:17). Jesus ama obon akam ete yak edidiana kiet odu ke otu mbet Esie (John 17:21). Edinam asana ada edidiana kiet ye ata edidi kiet edi. Mme owo emi anamde esana esidu ke esit kiet. Ema enq uwut nkpq ete ke erinyaña ukpon ebiet ndisibe eto nduok, ndien edinam asana ebiet ndidok etak eto oro nsio ye oruñ. Uwut nkpq efen osuk owut ete ke uduot idiok-nkpq ke owo “akani owo” edi se ekonde ke kros ke ini enyañade owo, edi ke ini eyetde enye asana “akani owo” oro akpa. Ke edinq nwedi esok mbon Ephesus, Paul osqñq mmq idem ete esio “akani owo” eduok, emi ekemde ye ido uwem mbufo ke eyo oko, enyuñ emen “obufa owo esine, emi ebotde ebiet Abasi ke edinen ido ye edisana ido akpanikq” (Nwedi Mbon Ephesus 4:22-24).

Paul ama ewet onq Mbon Colossae ete ke ndisine “obufa owo” eyenam anditiene-Christ enyene mbiet Abasi emi okobotde enye (Nwedi Mbon Colossae 3:10). Esit esie esine ke nkpq enyqñ akan ke se enye enyenede ke isqñ (Nwedi Mbon Colossae 3:2). Mme nkpq spirit edi akpa ke uwem esie mbemiso mme nkpq obukidem. Ke esit esie edi emem Abasi akara, ima onyuñ odu, “emi edide se ibopde uwem adiana inam ofon ama” (Nwedi Mbon Colossae 3:14, 15). Nkpq kiet emi osqñq ete ke owo edi mbet Jesus edi ndinyene ima nnq mbon Abasi efen, koro Nwedi Abasi odoho nnyin ete: “Mbufo ema ema kiet eken, kpukpru owo eyeda oro efiok ete mbufo edi mbet Mi” (John 13:35).

Ke ebede ndinyene ima ke esit, mme enq mfqn owo Abasi efen eyenyuñ edu. Ke “mbunwum spirit” esine “idaresit ye emem ye ime, ye mfqn-ido, ye eti ido, ye edinam akpanikq, ye ifure-ifure ido, ye mfara ke idem,” okqro ye ima. (Nwedi Mbon Galatia 5:22, 23). Owo ekeme nditiñ mbaña owo Abasi oto ke uwem emi enye odude. “Mbufo eyeda mfri mmq efiok mmq” (Kot Matthew 7:15-20). Edieke owo, mme eyenqwoñ mme akamba owo mitiñke akpanikq afo eyefiok ete ke enye iboho ata erinyaña, koro Nwedi Abasi ekpep ete “Ekusu nsu enq kiet eken, koro mbufo ema ekeshio akani owo ye utom esie eduok” (Nwedi Mbon Colossae 3:9). Edieke owo mbre fo kiet odohode ete imenyene erinyaña edi enye ayat esit onyuñ abiat ibet ke ini nkpq oro midighe nte enye okoyomde, midighe enye etiñ idiok ye ndek ndek ikq, afo eyefiok ete erinyaña esie iduhe aba, koro Ikq Abasi odoho ete: “Edi ke emi mbufo enyuñ eduqñ kpukpru ido emi; esio iyaresit, ye ifuresit, ye udu, ye idiok ibaña, ye mbubiam ikq ke inua mbufo efep” (Nwedi Mbon Colossae 3:8).

Jesus, Uwut Nkpq Nnyin

Ke ini Abasi okotde mme owo nditiene Enye, Enye okot mmq “ndisaña ke nde ikpat Esie.” Enye okot mmq edidu uwem nte Christ, oro edi uwem owo Abasi. Christ onq nnyin uwut nkpq eti uwem. Nnyin imokot, ke Nwedi Abasi, “Ekekot mbufo ete edinam oro; koro Christ ke Idem Esie ama okut ndutuhq kabaña mbufo, onyuñ okpon uwut-nkpq onq mbufo, ete, mbufo ekpetiene esaña ke nde ikpat Imq” (1 Peter 2:21).

Ke ini Christ okodude mi ke isoñ, ema edomo Enye ke kpukpru usuñ, nte emi edomode nnyin, edi Enye “minyeneke idiok-ñkpọ” (Mme Hebrew 4:15). Uwut-ñkpọ edu-uwem owo Abasi Esie ekedi uwem emi minyeneke idiok-ñkpọ. Edieke nnyin isañade ke nde ikpat Esie, nnyin iyedu uwem nte Jesus oyomde nnyin idu.

Odudu Emi Omumde Akama

Koro Jesus akakande idomo, Enye ekeme ndiñwam nnyin nditre ndinam idiok-ñkpọ ke ini idude ke idomo (Mme Hebrew 2:18). Abasi oñwoñọ ndisiak “usuñ uboñọ ke idomo” man nnyin ikeme ndiñwana ñkan idiok-ñkpọ (1 Ñwed Corinth 10:13). Nnyin imekeme nditiene uwut-ñkpọ uwem unana idiok-ñkpọ Esie ke ediboñ akam ye ediwuk enyin nse Oboñ emi ekemede ndikpeme nnyin nsio ke iduọ (Jude 20-24). Peter okodọhọ ete ke mmọ oro enyañade, “emi Enye adade odudu Esie ekpeme oto ke mbuotidem, ete, edisim erinyaña” (1 Peter 1:5).

Odudu Abasi ye mfọn Esie ekpeme anditiene-Christ, koro owo ikemeke ndikpeme idem esie. Ke ini emi Satan akatuaide Paul, Paul ama oboñ akam, ndien Oboñ ama oboñọ, “Mfọn Mi ke ekekem fi” (2 Ñwed Corinth 12:8, 9). Ke ini Satan enemede ke utoñ fo ndidomo ndinam fi anam idiok-ñkpọ, me ke ini owo enyikde fi ndinam se minenke, boñ akam nyuñ beñe Abasi man añwam fi ndinam se inende ke enyin Esie. Esọñọ nnyin idem “ndisaña ñkpere ebekpo mfọn ye uko, man nnyin ibọ mbom, inyuñ ikut mfọn eke ediñwamde nnyin ke ini nnanenyin” (Mme Hebrew 4:16) oro owo ete ke nnyin imekeme ndiboñ akam mbeñe uñwam Abasi, ndien Enye eyekpeme nnyin osio ke edinam idiok-ñkpọ edieke nnyin ikopde uyo Esie inyuñ ibuotde idem ye Enye.

Se Eyomde

Iboñọke nnyin itiene uwut-ñkpọ Jesus ndidu uwem owo Abasi, nnyin idighe mme anditiene-Christ. Jesus okodọhọ ete “owo ekededi eke minyuñ ibiomke kros esie **itiene Mi** ke edem ikemeke ndidi owo mbet Mi” (Luke 14:27). Ndusuk owo ekeme ndidọhọ ete ke owo ikemeke ndidu edisana uwem. Mmọ efen ekeme ndidọhọ ete ke ofọn ekpri ibat owo ndidu uwem unana idiok-ñkpọ edi ke inaha nte kpukpru mme Anditiene-Christ edu edisana uwem. Edi nte nnyin ikpepde ke Ikọ Abasi, nnyin ikut ite ke kpukpru mmọ emi edoñde ete imema Christ edu edisana, nnen-nnen uwem owo Abasi, midighe ntre mmọ idighe mme anditiene-Christ. Mfọn ye ukeme emi mme anditiene-Christ eyomde man añwam mmọ ndidu utọ uwem oro edi se enoñde, ndien Abasi oyom mmọ edu uwem ntre. Nnyin ikemeke ndidi mbet edieke nnyin mitieneke Jesus. Inaha nte anditiene-Christ emek mme enye eyedu edisana uwem mme ididuhe. Owo ekeme ndimek mme enye eyedi anditiene-Christ mme edidi anam-idiok. Edi Oboñ ama onim ibet ke abaña edu-uwem anditiene-Christ ndien Enye onyuñ oñọ nnyin odudu ndinam mmọ. Nnyin inyene ndinim mme mbet oro edieke nnyin iyomde ndidi Nditọ Abasi.

Idiok-Ñkpọ Adianare

Edieke owo abiatde mme mbet Abasi, enye obo ufen. Ke ini Adam, akpa owo, okotutde utoñ ke ibet kiet emi Abasi okonode, Adam ama anam idiok-ñkpọ onyuñ akpa ke spirit. Adam ama enyene ndik ubiom-ikpe onyuñ ekedibe ke ini enye “okopde uyom Jehovah Abasi nte enye asañade ke iñwañ ke ofum uwemeyo” (Genesis 3:8). Idiok-ñkpọ esie ama adianare enye okpoñ Abasi. Adam ikekemeke ndidu aba ke Iñwañ Eden “ndidiọñ enye nnyuñ ñkpeme enye” ndinyuñ nsaña nnyuñ nneme ye Abasi.

Ñkop-Uyo Ye Mme Edidiọñ

Ke oro ebede, Abasi ama oñọ Nditọ Israel Mbet ebe ke ubok Moses, ada-usuñ mmọ. Ema esian mmọ se anade nte enam ye se minaha nte enam. Edieke Nditọ Israel eyomde ndinyene ukpeme, uñwam, ye mme eñwoñọ Abasi, mmọ ekenyene ndinam uyo Esie. Ke ini mmọ ekekopde uyo, Abasi ama ada ye mmọ ndien mmọ ema eforo. Ke ini mmọ eketutde utoñ, Abasi ama okpoñ mmọ ndien mmọ ema ebọ ufen ke idiok-ñkpọ mmọ. Ke Akani Ediomini nnyin imokot ibaña mme edidiọñ emi eketienede Nditọ Israel ke ini mmọ ekekopde uyo Abasi, inyuñ ikot ibaña ufen ye mfuhọ emi okosimde mmọ ke ini Abasi ama okokpoñ mmọ oto ke ntututọñ mmọ.

Ke Obufa Ediomini, Jesus ama oñọ nnyin mbet edu-uwem owo Abasi oto ke uwut-ñkpọ Esie, ke ukpep-ñkpọ Esie, ye ke mme enyene odudu ukpep-ñkpọ mbet Esie. Nnyin ñko imenyene mme uwut-ñkpọ ndisana edu-uwem ke uwem ata anditiene-Christ mfin. Mmọ emi ema ekedomo Ikọ Abasi efiok, ekut ete ke mmimọ imekeme ndien, inyuñ idu uwem ke odudu Abasi nte ekemde ye uduak Esie. Nnyin **imekeme**, ke mfọn Abasi, ndidu uwem nte Christ. **Ana** nnyin idu uwem ntre edieke nnyin iyomde ndidi Nditọ Abasi. Edi Nditọ Abasi ikpoñ-ikpoñ edidik Heaven ndikut Oboñ nnyuñ nduñ ye Enye.

Ndidi Kiet

Jesus ama oboñ akam ete yak mme anditiene Enye ediana oñọ kiet ke ima. Edian mme anditiene-Christ oñọ kiet ye kiet eken, enyuñ ebọp nte idem kiet ye Abasi ye Eyen Esie. Jesus okodọhọ ete, “Ami ye Ete Mi idi kiet” (John 10:30). Edi edinam ye uduak Abasi ete yak mme anditiene Enye, oro edi mme anditiene-Christ edi kiet ye

Abasi ye Eyen Esie (John 17:21). Ana mmọ enyene ekikere ye uduak kiet, udọn ye akam kiet, ekikere kiet ke se ibañade idiọk-ńkpọ, ye ima kiet ke se inende.

Edidiana kiet emi edi ntiense, “ndinam ererimbot enim ke akpanikọ” ye “ndinam ererimbot efiọk.” Edieke anditiene-Christ miduhe uwem emi ọkpuhọrede ye owo efen, ererimbot edinam didie efiọk ete ke Jesus ke ododuń ke enye, ndien ke Christ enyene odudu ndinyaña nsio ke idiọk-ńkpọ?

Owo emi miduhe uwem nte enende, ikemeke ndidiana kiet ye Abasi ye Eyen Esie. “Koro Jehovah Abasi fo esede kpukpru owo eke enamde ntem, ye kpukpru owo eke enamde mme ukwańkpọ, ke ńkpọ ndek” (Deuteronomy 25:16). “Idiọk ididuńke ye afo” (Psalm 5:4). Edieke idiọk-ńkpọ ye ntututọn odukde uwem owo Abasi enye ikopke aba idara ebuana emi adiande enye kiet ye Abasi ye Eyen Esie, Jesus. Abasi ikopke inemesit ye idiọk-ńkpọ, idiọk-ńkpọ onyuń adianare owo ọkpọń Abasi (Isaiah 59:2). Ke ini owo ekededi anamde idiọk-ńkpọ, enye ikemeke ndinyene ebuana ye Abasi, koro “Owo eke anamde idiọk-ńkpọ edi eke Satan” (1 John 3:8).

Ke Eyo Emi

Jesus “ama ọnọ Idemesie” onyuń ọduọk Iyip Esie ọnọ ikọt Esie, oro edi ufọk Abasi (Nwede Mbon Ephesus 5:25). Jesus enyene “ufọk Abasi emi ọyọhọde ye ubọn, minyuń inyenke ntọi mme erinwine mme oruk ńkpọ eke etiede ntre; . . . asana onyuń anana ndo” (Nwede Mbon Ephesus 5:27). Ufọk Abasi ekeme ndisana ke ini mmọ emi edude ke esit esanade. Odudu odu ke Iyip Jesus ndiyet owo nnyuń nnam enye asana, ndinyuń nnim enye ke edisana. Job, owo Abasi ọkọdọhọ ete, “Edi edinen owo eyemum usuń esie akama: ndien owo eke ubọk asanade eyediọn ọsọń aka iso” (Job 17:9).

Nwede Abasi ekpep ete nnyin inyene ndidu edisana uwem mi edieke iyomde ndinyene ebuana ke ufọk Abasi Christ, edieke nnyin nko iyomde ndika ke heaven. “Mfọn Abasi ama ọbiọnọre edida erinyaña ọsọk kpukpru owo” onyuń ekpep nnyin ńkpọ man oto do, “nnyin idianare ikpọn idiọk ido ye idiọk udọn ererimbot, idu uwem ke eti ibuot ye edinen ido ye ido Abasi ke eyo emi” (Titus 2:11, 12).

MME MBUME

1. Nso inam owo odu obufa ye ukpuhọre uwem ke ema ekenyaña enye?
2. Nso idi “mbuńwum spirit”?
3. Anie edi uwut-ńkpọ nnyin ke ndidu edisana uwem?
4. Didie ke anditiene-Christ ekeme nditie ntiense mbaña Jesus nnọ ererimbot?
5. Nso ke ikọ emi “Anditiene-Christ” ọwọrọ?
6. Mfọn anie edikem ndinwam nnyin ke ini unana?
7. Nso ke emi ọwọrọ ndidi “kiet” ye Abasi Ete ye Jesus Eyen Esie?
8. Wet ikọ emi ma “owo eke anamde idiọk-ńkpọ edi eke. . .”
9. Nso oruk owo ke Jesus enyene ke ufọk Abasi Esie?
10. Ini ewe ye ke mmọn ke nditọ Abasi edu edisana uwem?